

Kinyarwanda I

009

29/10/2014 2.00 PM-5.00 PM



IKIZAMINI CYA LETA GISOZA ICYICIRO RUSANGE CY'AMASHURI YISUMBUYE, 2014

IKIZAMINI: KINYARWANDA I

IGIHE KIMARA: AMASAHA 3

AMABWIRIZA:

- 1) Ntufungure iyi kayi y'ibibazo by'ikizamini utabiherewe uburenganzira.
- 2) Ikizamini kigizwe n'ibice bine:
Igice cya mbere: Gusoma, kumva no gusesengura umwandiko (amanota 32)
Igice cya kabiri: Ikkibonezamvugo (amanota 45)
Igice cya gatatu: Imyandikire n'ubumenyi by'ururimi (amanota 8)
Igice cya kane: Ihangamwandiko (amanota 15)
- 3) Subiriza mu ikayi yabugenewe wubaniriza itonde ry'ibibazo uko bikurikirana.
- 4) Ibisubizo bigomba kuba bifututse kandi byuzuye.
- 5) Gusiribanga, guhindagura ibisubizo no kubihuza na mugenzi wawe cyane cyane
ibipfuye bifatwa nko gukopera cyangwa gukopezwa.
- 6) Ubuwijwe rwose kugaragaza amazina yawe, ay'ishuri wigamo cyangwa ibindi
bikuranga ku ihaingamwandiko n'ahand'i hose hatabugenewe ku ikayi y'ibisubizo.

UMWANDIKO : YANYOYE NZOBYA

Uyu mugani baca ngo "Yanyoye nzobya" wakomotse ku muntu witwaga Nzobya w'i Ngarurira mu Buyenzi; yari umutoni wa Mibambwe Sentabyo, ahasaga umwaka wa 1800. Bawuca iyo babonye umuntu wanyoye agasinda cyane, bimwe bavuga ngo "yabaye Sabizeze".

Uwo mugabo Nzobya rero yabaye umutoni w'akadasohoka kwa Mibambwe Sentabyo, bukeye Mibambwe afatwa n'ubushita buramwica, agwa i Remera rya Rukoma na Ngamba (Kamonyi, Intara y'Amajyepfo). Amaze gupfa umuhungu we Gahindiro umuzunguye, yangana na ba se wabo, abo bitaga ibigina bya Ndabarasa. Semugaza vari umutware w'umutwe w'ingabo zitwaga Urukatsa, afatanya na Nzobya banesha ibigina. Hanyuma ariko Nyiratunga, nyina wa Gahindiro, yanga Semugaza, bituma acikana n'Urukatsa bajya mu Ndorwa. Nzobya asigara mu Rwanda.

Hanyuma aho Gahindiro amariye gutoneshereza Rugaju rwa Mutimbo, amugabiye akatsi ko haruguru y'inziira no hepfo yayo, Nzobya asubira inyuma ntibamurebe neza. Bigeze aho arasezera ajya iwe mu Buyenzi, ku musozi witwa Ngarurira. Amazeyo iminsi, abantu b'amacuti ye baza kumubwira ko ibintu bimumereye nabi ibwami. Nzobya ariyumvira, ati "uruzi ngo Semugaza acike ansige mu Rwanda!" Aherako akoresha amakoro yo gutura Gahindiro i Rubona rwa Gihara mu Karere ka Kamonyi. Ahaguruka iwe i Ngarurira ataha mu i Ceni ku Bisi bya Huye; mu gitondo arahava ataha i Mayunzwe mu Nduga (Ruhango); bukeye ataha i Gihinga na Ruzege munsi ya Kamonyi. Ahageze araza inkera, arasinda n'abagaragu be, inzoga imaze kumusaga abwira abagaragu be ati "ubonye ngo databuja Mibambwe ansige mu gihu none mbe nsigaye inyuma ya Rugaju; mbe mwene databuja Semugaza we gucika akansiga mu Rwanda nabitewe n'iki?" Ati "ubu ndagiye nsange databuja Mibambwe ku Musezero i Rutare, ningera ku mva ye niyahure mpwane na we". Ubwo ayo yose yayavugishwaga n'inzoga.

Nuko abagaragu be baramuhana arabananira, ateshwa inzira ijya i Rubona kwa Gahindiro, aboneza iy'epfo ku Kavuza n'Uruyenzi, yambuka Nyabarongo ataha i Kinyinya mu Bwanacyambwe (Gasabo). Amaze kuhagera, na none araza inkera. Isindwe riramudanangira akomeza ya migabo ye yo kwiyahura ntiyagaruka. Ibwami bamenya ko acitse nka Semugaza, bohereza ingabo zo kumutangira ngo zimufate. Nzobya amaze kubyumva arahaguruka ngo acikane n'ingabo ze nka Semugaza. Ariko abantu babonye ko babungerezwa n'umusinzi, bamwegukaho basubira i Gihara kwa Gahindiro barayoboka.

Nzobya na we abonye abantu bamushizeho, yambuka Nyabarongo aboneza iy'i Buliza; ageze ku mugezi wa Rusasa na Ntarabana, inyota iramurembya, ajya ku mugezi anywa amazi, amaze kuyahaga ariyahura arapfa. Icyo cyambu yanywereyemo cyitwa Akazi, ni ho havuye ijambo rivugwa n'ubu ryo kunywa Akazi ka Rusasa. Ayo mafuti yose rero Nzobya yakoze kuva ku Kamonyi kugera i Rusasa na Ntarabana, yayakoreshwaga n'itende ry'inturire yihoshyaga; ni yo bisé nzobya, babonye urupfu rwe ruturutse ku itende ry'ubuki n'inturire; barabimwitirira byitwa Nzobya.

Kuva ubwo inzoga yose y'itende bayita Nzobya. Ni byo bavugira ku muntu isindwe ryakoreshheje ibidakorwa, bati "Noneho si inzoga yanyoye, yanyoye Nzobya":

A. KUMVA NO GUSESENGURA UMWANDIKO (*amanota 14*)

1. Uyu mwandiko ni bwoko ki? Sobanura (2)
2. Semugaza yari ashinzwe iki? Ni ikihe gikorwa cy'ubutwari batubwira yakoze ? (2)
3. Semugaza amaze kutumvikana na Nyiratunga yakoze iki?
Nyiratunga uwo yari muntu ki ? (2)
4. Ni iki kigaragaza ko Rugaju yari atoneshejwe cyane? (1)
5. Ni iyihe mpamvu y'ingenzi yatumye Nzobya asczera agasubira iwabo? (1)
6. Nzobya yakuye he inzoga yaraje inkera i Gihinga na Ruzegc? (1)
7. "Uyikura mu kabindi ikagukura mu bagabo".
Sobanura uyu mugani mu mirongo itarenze itatu(3). (2)
8. Nzobya yavuze ko asanze shebuja Mibambwe ku Musezero i Rutare. Shebuja uwo yahakoraga iki? Ni iki uzi ku Musezero wa Rutare mu mateka y'abami b'u Rwanda? (2)
9. Kuki abantu bafashe umwanzuro wo kweguka kuri Nzobya? (1)

B. INYUNGURAMAGAMBO

10. *Garagaza mu mwandiko amagambo cyangwa interuro bisobanura:*

- a. Umuntu ukunzwe cyane: b. Indwara yo kwishimagura:
- c. Amuhaye icya kabiri cy'inka z'u Rwanda:
- d. Kurara mu gitaramo abantu banya:
- e. Arasinda cyane: f. Bamuvaho:
- g. Amaturo baturaga umwami: h. Amusimbuye:
- i. Inzoga yo hasi mu kibindi irimo urubetezi:
- j. Gutoroka ighugu: k. Asigaye wenyine:
- l. Gusinda ugata ubwenge:

C. IMPUZANYITO: (*amanota 6*)

11. *Uhoreye ku mwandiko n'ubumenyi bwawe bw'ururimi, uzuza cyangwa usimbuze amagambo aciyeho akarongo andi magambo asobanura kimwe n'ayatanzwe:*

- a. Inzoga yengeshejwe ubuki bwonyine bayita , naho ikigage kirimo ubuki kikitwa Urwagwa bashyizemo ubuki bakabitarana rwitwa
- b. Bukeye Mibambwe afatwa n'ubushita, arapfa, umurambo we bawushyingura iyo ngiyo.

IGICE CYA KABIRI : IKIBONEZAMVUGO (*Amanota 45*)

12. *Andika ubwoko bw'amagambo akurikira aciyeho akarongo:*

- a. Hanyuma aho Gahindiro amaraye gatoneshereza Rugaju.
- b. Abandi babibonye batyo "bati tubigize dute?"
- c. Mibambwe Sentabyo amaze gupfa azungurwa n'umuhungu we Gahindiro.

13. *Garagaza intego z'amagambo aciyeho akarongo n'amategeko y'igenamajwi yakoreshejwe:*

- a. Uwo mugabo Nzobya yakunda ga inzoga cyane.

- b. Abagaragu be baryanirana inzara babonye ko Nzobya yabaye ibyatsi.
- c. Nzobya ateshwa inzira no gusinda ahitamo kwigendera ngo acike.
- d. Semugaza yari umutware w'abó bitaga Urukatsa.
- e. Kunywa nzobya bisobanura kur'ýwa icyishi.
- f. Nzobya amaze gusinda ati "jye ngiye kwiyahura."
- g. Ba bagaragu be babibonye bamwegukaho asigara wenyine.

14. Garagaza ibicumbi by'amagambo aciye ho akarongo

(5)

- a. Amaze gupfa azungurwa n'umuhungu we Gahindiro.
- b. Ageze ku mugezi wa Rusasa inyota iramurembya.
- c. Ndagie ningera ku mva ye niyahure mpwane na we.

15. Andika inteko (ku mazina, ibinyazina na ntera) cyangwa ngenga (ku nshinga) z'amagambo aciye ho akarongo:

(7)

- a. Babimubwiye na we arabyemera.
- b. Ibwami bohereza ingabo zo kumutangira.
- c. Nzobya amaze gusinda ati "ubonye ngo Mibambwe ansige mu gihugu!"
- d. Babivuze ukuri ngo kwasama kubi ni ukurira.

16. UBUTINDE N'AMASAKU (amanota 11)

- a. *Tandukanya amagambo yandikwa atya ukoreshjeje ubutinde bw'imigemo n'imiterere y'amasaku ugabanya ibimenyetso* (5)
 - i. ibishashi (by'umuriro) ≠(bikoze muri parasitiki)
 - ii. gutuma (umuntu ahantu) ≠(ivu cyangwa isazi)
 - iii. Kurongora (gushorera inka) ≠(umugenji)
 - iv. Gukuba (imibare) ≠(ikintu ugikuraho umwanda)
 - v. Gufungura (urugi) ≠(kurya)

b. Garagaza ubutinde bw'imigemo n'imiterere y'amasaku ugabanya ibimenyetso muri iyi nteruro (6)

Hashize iminsi abantu b'a.nacuti baza kumubwira ko ibintu bimumereye nabi ibwami.

IGICE CYA GATATU : IMYANDIKIRE Y'URURIMI (amanota 8)

17. Tanga amagambo abiri (2) arimo igihokane "byw" n'ijambo rimwe (1) ririmo igihokane "vy". (3)

18. Wifashishije ingero erekana ahantu hatatu(3) mu myandikire yemewe y'lkinyarwanda wemerewe gukurikiranya inyajwi ebyiri zisa? (3)

19. Interuro ibaza itangirwa n'iki, igasozwa n'iki? (2)

IGICE CYA KANE : IHANGAMWANDIKO

(15)

20. Hitamo imwe muri izi nsanganyamatsiko ebyiri uyivanemo umwandiko urambuye w'imirongo 25 n'amagambo 200 yose hamwe.

- a. Ibyiza n'ibibi by'inzoga mu muryango nyarwanda no ku buzima bwa muntu.
- b. Ibyiza n'ingorane by'amashuri y'aburezi bw'ibanze bw'emyaka cumi n'ibiri (12).